

龚自珍文集与年谱序跋补辑

孙 静 辑录

孙文光、王世芸《龚自珍研究资料集》（以下简称《资料集》）是一部采集有关龚自珍资料的编著。两位编者筚路蓝缕，钩沉索隐，从大量文献中摘出丰富的资料，为深入研究龚自珍提供了方便和线索。但此类辑录，尚有待不断发掘使之日臻完善。现将我所见的龚自珍文集著述及年谱的序跋而未为《资料集》收录者补辑于下，以供研究者参考。

一、佚名吴刻《定庵文集》上中下三卷目录后跋

原刻本（按指道光三年龚氏自刻本）有未刊篇目（按自刻本目录中列未刊篇目52篇）及少作四首（按自刻本附少作五首，言四首，小误），为定公手稿，具有深意。今去之，非也。并去文之评记（按自刻本已刊文后附录江沅等诸家评语三十余条），亦非也。（盛昱校本，下称盛校本）

二、佚名吴刻《定庵文集》卷上《乙丙之际箸议第六》识语

近人朱氏刊《补编》（指光绪12年朱之榛刊《定庵文集补编》4卷），题曰《治学》。此集乃定公自定，朱刊《补编》，所据者未定之稿，可从者希。聊录之以著异闻耳。（盛校本）

三、佚名吴刻《定庵文集补·词录》后识语

谭仲修谓定庵词如飞仙剑客，飞行绝迹。又谓食江瑶柱，多则发食动气，信然。（同前）（按谭仲修语见《篋中词》。）

四、盛昱吴刻《定庵文集》、《续集》、《文集补》后跋 龚礼部集，江建霞过从程蒲孙孝廉秉钰校本如录，定公自记

等处皆是也。孙汉槎复从汤伯述录其子写定本（朱刻《补编》即从汤处抄录）。沈子良两过之。甲午冬日余复假之录一过。盛记。（盛校本）

五、光绪30年成都官书局本《龚定庵全集》目录后孙锵跋（节录）

右定庵文集总目计文诗词十有五卷。是集初刻于仁和曹氏，续刻于武林吴氏，补刻于萧山汤氏（按朱刻《补编》其稿得自汤氏）。……四川向有锦江、尊经两书局，近年以振兴学务，故两局归并一处……锵以今春回省，承同年陆天池前辈招入书局，询有龚定庵先生集刊而未印，因调取其样本，与同年高浣凡明府互相商订。高君又搜得佚文数篇，以附诸其后。……龚先生讳巩祚，榜名自珍，后又名易简，号定庵，亦或自称定公，吾浙仁和人。盖其先世多宦内阁，故《补编》中《上大学士书》，尤见元元本本。嗟乎！内阁无堂官久矣，衮衮诸公，甘心伴食。沿至晚近，仅有虚衔。读先生此书，益令人诵周任之言不置也。光绪甲辰立秋前二日总目编竟为志其缘起如此，阁后学奉化孙锵谨识。

六、光绪30年成都官书局本《龚定庵全集》高麟超跋语

唐樊宗师之文特奇涩，不肯作凡近语。后世论唐时文最奇者曰樵、蛻、结、牧，视宗师或勿若也。虽韩吏部犹极称道之。今观所为《绛守园池记》，佶偁蚪蟉，非甚详解，卒不可得读。宋元明以来，广陵散久绝于人间。

本朝仁和龚定庵文派缁幽凿险，不谋而与之合，用是为蹈常袭故者所诋诃。阳湖、桐城诸选家，至不登一字。嘻，何所见之不广也。今夫终日饱粱谷而却凤丸，不可为善味；终日听钟鼓而废韶璠，不可为善乐。必知九肋之美异牛铎之响，则公子方染指于鼎中，荀氏且旁皇于衢路矣。先生以经史为根抵，而又旁通昭代之掌故，兼发阐贾董马郑之学，濂洛关闽之理，道藏梵筌之书，毗婆尸佛之教。订讹批谬，机杼已见。其惊魂动魄处，往

往与西书哲学家若合符节，讲时务者洵不可不家置一编也。诗词虽不经意，然亦足开通智慧，增长精神，讽而诵之，不无裨益。综括先生文字，聪颖过魏默深，温雅迈包慎伯，精深胜蒋子潇。著书凡十余种，均掷同虚牝，子目空存。先生感怀诗有云：“东云露一鳞，西云露一爪；与其见鳞爪，何如鳞爪无。况凡所云云，又鳞爪之余”，可以想见其梗概。原集一刻于曹氏，再补于吴氏，日久板片漫漶缺略，学者憾之。成都书局谋重付梓，麟超为校讐，并搜补逸文数篇，惜未尽也。光绪甲辰夏至日镇平高麟超跋。

七、薛凤昌遼汉斋校订本《定庵全集》跋（书录）

定庵先生之歿，邵阳魏默深氏辑其文十二卷，为文录；考证、杂著、诗词又十二卷，为外录。其书存否，不可知。余所见刊行之本，始有武林吴氏本，继有平湖朱氏本。吴刻为文集三卷、续集四卷，又补刻文补一卷、诗三卷、词五卷。朱刻为补编四卷。数十年来，吴刻本多漫漶，而朱刻本亦不常见。所习见者，粤书贾以吴朱二本翻槧者也（按此指光绪23年万本书堂本——亦称粤东全经阁本《龚定庵全集》）。亥豕鲁鱼，不可究诘，读者颇引以为憾。癸卯岁，得吴中章氏校本斟之，始稍复其旧。今年春，又得嘉定黄氏校本，再斟之，釐正者又数十条。顷又得丰城余氏（按此指光绪23年丰城余氏宝墨斋本《龚定庵集》）及宝晋斋石印本（按此指光绪24年浙省宝晋斋石印本《定庵全集》），均为向所未见者。其中增损颇复不赅，则再斟之。综余前后所获见者，为刊若校凡七本矣。至其异同……盖统各本以校翻槧本，文之溢出者凡十一首。而复于他书搜得《农宗答问》、《大誓答问》、《春秋决事比答问》、《鸿雪因缘图记序》等为各本所无者，又三十七首。计定公之文，余所得读者二百七十有二首，爰校讐而排比之，釐为七卷，又合诗三卷为二卷，词五卷为一卷，都十卷。不敢自私，付诸活版，而特著其颠末如此。其始终与于是役并出其年谱稿本俾缀集尾者，嘉定黄子顽公，即原校是集者也。至定公之文学经

济，先达诸公，论之已详，兹无赘焉。宣统纪元己酉六月吴江薛凤昌识于遼汉斋。（宣统元年上海时中书局版遼汉斋校订本《定庵全集》）

八、朱之榛重订《定庵文集补编》识语

曩刻《定庵文集补编》，为萧山汤君辑本，中有七篇（按实为八篇）已见正续集。傅君初校未审，今为删定，都凡文六十六篇，重第篇目，仍为四卷。定公集外文尚不尽于此，他日续有所得，当更校刻，以饷学子。光绪壬寅秋八月之榛重识。（“四部丛刊”本《定庵文集补编》）

九、夏蓝田编《龚定庵全集类编》凡例（节录）

一、定庵之文，雄奇超绝，出入于九经七纬、诸子百家，足以继往开来，自成一家之言。前本局刊行全集（按指世界书局1935年版《龚定庵全集》）风行一时，今为更求完善计，就集中各文之性质体例，分类纂辑，重加整理考订，成此《定庵全集类编》，以便读者研究。

一、本书包括文、诗、词三集。文集分序跋、论辩、奏议书疏、赠序、传状碑志、鍼铭赞颂、辞赋、哀祭、制艺等九类。诗集分《破戒草》、《己亥杂诗》、《集外未刻诗》三卷。词选合为一卷，而附以《集外未刻词》及《孝拱手抄词》。三集共一十八卷。末附《定庵先生年谱》及《年谱后记》。

一、原集眉批补注，除无关大体者删削外，余悉插入文中，以便读者参阅。（世界书局1937年版《龚定庵全集类编》）

十、刘逢禄《大誓答问序》（节录）

曩者闻诸舅氏庄先生曰：世宝晚出，《大誓》犹之，以《世俘》为《武成》，予心识之，而未有以引申也。既识仁和龚君，龚君言今文无《大誓》，古文亦无《大誓》，予愕焉。会君著《大誓答问》成，示予。予则求之《史记》而合，求之班史而合。二十九篇之言，马、班共七见，假使虚悬其一，以待后得之书，则

马、班何为奋然属之伏生？此龚君驰康庄踞上游也。助其张目者，则有冯融。融疑书传所引，不在其中。近王氏、江氏、孙氏皆曰：但脱简耳。君则曰：如《大誓》有两本，抑何孔壁本脱简，与民间所脱正同？此龚君强守卫也。由是今文家与之为难者，则曰：

《周本纪》有之。君曰：此欲以影定形也。吾所据者形，彼所执者影，是不足以感吾志。予所蓄闻庄先生之言乃于是乎冰释。抑君之言与刘向以下不同，与伪《孔丛子》不同，与唐人不同，与近儒惠氏、江氏、王氏、孙氏不同，与君之外王父段先生亦微不同。说经尊严，何所引避！……国初自阎氏始破东晋古文，惠氏继之，王氏搜讨汉学，江氏、孙氏网罗古训，自成门户，段氏深明古今文家法，撰集同异，庄氏以大义微言说百篇之序；作者七人。今君又有功于经甚巨。哀而论之，国朝尚书家略具是矣。道光戊子仲春上旬南陵友兄刘逢禄序。（同治六年滂喜斋重雕本《大誓答问》）

十一、曹家驹《大誓答问跋》（节录）

予与定庵交十稔矣，所为考据、词章，虽不得定庵之万一，然皆学定庵者。每有所疑，辄造其门而请益，日无虚位。定庵亦脱略形迹，尝披襟曳履枉顾敝庐，月必三五至。二人者，遂相视为莫逆。未几，定庵宦游长安，予独居里巷……但闭户著书而已……复因段氏玉裁、江氏声、孙氏星衍之说，撰《尚书古文正义》，颇疑孙氏据《尚书大传》及《史记》中录出《大誓》一篇，文气大似《汲冢周书》，与周书二十篇辞事多不类。又《大誓》文，其为汉人称引，姑无论已，他如《孟子》、《春秋左氏传》、《国语》等书，昭然炳如日星，所引《大誓》文，并无一语在此篇中者，可知《大誓》真本，汉时诸大儒皆未曾见。其《尚书大传》及《史记·周本纪》、《齐世家》所采者，盖古《大誓》说或《书》序中语耳。……辛卯夏，予授徒漕艘，从天津入都，淹留定庵旅舍者一月，……定庵旋出所著《大誓答问》一卷见示，凡二十六

事，与近世治《尚书》诸家说不屑为雷同之语，而独与鄙见多所印合。定庵方喜孤学之无独有偶，而予亦窃喜向之怀疑不决者，今一读此书，涣然冰释。遂持归，属汪君小米付之梓人，予实助其雠校焉。时道光壬辰年正月，愚弟曹家驹谨跋。（同前）

十二、刘肇隅《说文段注札记序》（节录）

……龚先生之学之文，豪杰交誉之；誉之不已，从而师之。余读其《抱小》篇，知遽于小学，学出金坛段先生。……光绪丁酉冬，馆何氏二十日，长孺世兄，余棠荪夫子之子，课余读邳书，出其《说文段注》，前有大兴徐氏藏图籍，星伯校读二朱印，为大兴徐氏故物。徐录龚说于上方，自识者以松按别之。徐识语略谓龚受外祖氏学而有所发明，故录之于书中。龚校有记段口授与成书异者，有申明段所未详者，亦有正段失者。于是竭数日之力，条而钞之。凡有松按，别为一纸。窃知是书出，海内震服龚先生者，将惟恐不得一见，必不以其为残丛而忽之。……小子不敏，愿得此贄之龚庭，幸永为私淑弟子矣。湘潭刘肇隅叙于鲍氏祠东即何氏寄庐也。（刘肇隅编校《龚定庵说文段注札记》）

十三、吴昌绶《定庵先生年谱书后》

绩谿程庶常秉钊竺嗜定公文，榜所居曰龚学斋，于吴刻文集评校綦详。又欲撰年谱，创稿裁数十事，病未卒业，以授钱塘陈编修昌绅。编修为龚氏姻戚，就其子姓询访，又得如干事，复以畀昌绶，留敝篋殆十年，卒卒未暇治。今岁校辑定庵全集，因检旧稿，锐意为之。徵之本集，又征之群书，依年件系，首尾粗具。凡庶常原辑十之三，昌绶补辑十之七。庶常久歿，编修今又逝。遗编断手，期慰地下故人。国步阽危，身世未可知，先哲丛残之绪，甚赖亟传之也。助之整齐者，长洲章君钰、元和张君一麐。庚子仲秋昌绶谨书《定庵先生年谱》后。（宣统元年国学扶轮社本《龚礼部集》附录三《定庵先生年谱》）

十四、吴昌绶《定庵先生年谱后记自记》

年谱写定，凡屡易稿。越八年，丁未岁始畀工墨版。携来京师，续有所得，未遑改补。阳湖吕幼舲前辈录示犹勤，条系于后，以俟来贤采订。甘迓村萌记。（同前《定庵先生年谱后记》）

十五、黄守恒《定庵年谱稿本识语》

余于己亥春始得读定庵文集，校读三四回，爱好至不忍释，其秋，，乃刺取集中事实，缀为年谱稿本以自娱。阳湖赵子君宏之尊人能静先生，龚孝拱挚友也。其所为日记，往往及定庵事。君宏出以示余，因复得稍稍补苴之。然外此考证，都无一得，盖阙者多矣。薛君公侠，近校补龚集，重为釐订，付之活版。见余此稿，以为于定庵为学之次第，可稍赖以颉见，读定庵文者，不可无此导线也。欲攫而殿之卷尾，虽芜陋亦弗憾焉。虽然，此固犹稿本耳，补正而写定之，愿以异日。己酉四月顽公自识。（宣统元年上海时中书局版遼汉斋校订本《定庵全集》）

辑录者工作单位：北京大学中文系

